



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

CLXVIII. König Siegmund bestätigt denen von Günthersberg ihre Besitzungen zwischen Netze und Drawe, am 18. April 1402.

---

---

**Nutzungsbedingungen**

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

CLXVIII. König Sigmund beſtätigt denen von Günthersberg ihre Beſitzungen zwiſchen  
Netze und Drawe, am 18. April 1402.

Wir Sigmund, Von Gotes Gnaden König in Vnghern etc., des heiligen Romiſchen Reichs Vicarius vnd des Königreichs zu Behmen Vorweſer, Bekennen vnd tun kunt offenlich mit diſem briſſe allen, dy In ſehen oder horen leſen, das vor Vns komen iſt der Edle, Vnſer lieber getruwer henrich von Günthersperg vnd hat vns demütlichen gebeten, das wir als ein Marggraſſ der Marche ober Oder Im vnd ſeinen Erben vnd Nachkomenden alle Ire Güter, dy ſye haben zwiſſchen der Netze vnd der drawe, mit allen Iren Zugehörungen, als Sy Sye von Alders biß vff diſe czeit beſeſen, gehalten vnd genoſen haben vnd als In Sye Seliger Gedechtnis vnſer liber her vnd Vater, her Karl, von Gotes Gnaden etwan Römmiſcher Keyſer vnd behemiſcher König, mit Kraft ſeines brieffes mit ſeinem Majestat Ingeſigel Vorſigeltet, gelihen vnd vorreicht hatte, geruchten auch, Vorreichen vnd legen genediclichen vnd auch deſſelben vnſer heren vnd Vaters Majestat briſſ confirmiren, beſtetigen vnd beſeſen, Das haben wir angeſehen getreuwe Dinſte, dy vns derſelbe henrich von Günthersperg oft vnd dicke getreulichen vnd nütlichen getan hat vnd noch tun ſol in künftigen czeiten, vnd haben mit rechter wiſſen, wolbedachtem Mute vnd gutem Rate demſelben heinrichen von Günthersperg, Seinen Elichen Erben vnd Nachkomenden von kraft vnſrer Marggraſſchaft der Mark ober Oder alle Ire Guter, wy dye mit beſondern vnd eygentlichen Namen genant ſein, dy ſye haben czwiſſchen der Netze vnd Drawe, mit allen Iren Zugehörungen vnd Nutzen, in aller Maze, als Sy vnd Ire Vorſaren diſelben Güter biſſher in lehenweiz von vnſerm ſeligen Vater vnd vormals von andern fürſten vnd Marggraſſen derſelben Mark ober Oder gehalten, beſeſen vnd genoſen haben, gelihen vnd vorreicht, legen vnd vorreichen genediclichen zu haben, beſitzzen, gebrauchen vnd gentzlichen zu Irem Nutze geniſen, Idoch vnſchedlichen vnſern vnd andern Rechten. Auch haben wir willielichen Iren Majestat brieff, den Sye von vnſerm ſeligen Vater darüber haben, mit guter wiſſen confirmirt vnd beſtetiget, confirmiren, beſeſen vnd beſtetigen in aller der weize, als Er von wort zu wort in diſem vnſerm briſſ eigentlich wor begriffen. Zu Vrkont diez brieffes verſigeltet mit vnſerm anhanghem Ingeſigel, Der geben iſt zu Prage, nach Criſti geburde Virtzenhundert Jar vnd dornach in dem andern Jare, an dem Dinſtage nach dem Sontage, als man ſinget Jubilate Deo.

Ad relationem Dom. Jankonis de Dretzin

per Dom. Johannem, prepoſitum quinque Eccl., Cancellarium Joh. Berlin.

Aus Beckmann's handschriftl. Sammlung.